

四聖懸樞五卷

黃氏醫書八種



023075

四聖懸樞



光緒三十年上海圖書
集成



四聖懸樞自序

天未嘗有生而無殺或以兵荒或以疫癘殺之自天於人何尤然此雖天之過乎抑亦人之罪焉兵荒未必殺人世無良相也疫癘未必殺人世無良醫也相而不良其罪小醫而不良其罪大魏晉以來至於今日疫癘之殺人多矣其書數十百部其徒數千百人病則家不能免藥則戶不能逃最可恨者小兒之痘疹卽大人之疫癘愚妄不以爲歲氣而以爲胎毒哀此百萬生靈旣因天災復遭人禍民有兩死而無一生吁可悲矣天地不仁不過以百姓爲芻狗愚妄不仁遂至以蒼生爲魚肉此怨天乎抑尤人乎仲景先師創內外感傷之法而未言疫癘其言之彰明而較著者人猶未解況其未言者與何怪於羣兒之訛謬耶僕於己巳春初四聖懸樞析瘟疫痘疹之義辛未六月筆削於清江河院署中四部俱成傷寒之義元矣疫癘之義元之又元慨夫上十千載悟元下十見之大笑以爲尙白其於閱意眇旨元而白之其於沈辭浮藻白而元之此黑之懸彼白之寡是墨以爲明而狐以爲蒼也楊朱之弟黑出而白入其狗吠焉楊朱之狗黑往而白來其弟怪焉茲蒼黃之未變又黑白之不分世亦無楊朱之弟矣世亦並無楊朱之狗矣昔有楚士而官於齊者聚書數車襲故紙以談岐黃覽茲元解胡盧而笑吳牛之喘未見月也蜀犬之吠未見日也吾安得進吳蜀之犬牛登泰嶽凌清風與之仰日月之光華哉昔子雲草元侯巴從而受業桓譚以爲絕倫今字內之大諒必有侯桓其人吾將藏之深山虛座以待矣

壬申十月昌邑黃元御坤載氏自序

四聖懸樞目錄

卷一

昌邑黃元御坤載著

溫病解

溫病名義

附岐伯溫義

附仲景溫義

溫病根原

病原同異

風寒異邪

營衛殊傷

傳經大凡

太陽經證

頭痛熱渴

陽明經證

目痛鼻乾

少陽經證

脇痛耳聾

三陽傳胃

太陰經證

腹滿噎乾

少陰經證

乾燥發渴

厥陰經證

煩滿囊縮

三陰入藏

藏府治法

汗泄之法



南京中醫藥大學圖書館藏

疫病解

疫病原始

寒溫病異

表裏殊法

溫疫由來

寒溫殊治

表解熱除

陰衰營陷

停水不消

太陽經證

發熱頭痛

身痛脉緊煩躁無汗

煩熱燥渴

陽明經證

目痛鼻乾嘔吐泄利

陽明府證

潮熱汗出譫語腹痛便秘

少陽經證

目眩耳聾口苦咽乾胸痛腹痞嘔吐泄利

三陽傳胃

太陰經證

腹滿噎乾

少陰經證

口燥舌乾

厥陰經證

煩滿發斑

六經治法

寒疫由來

表裏同異



表解寒散

陽衰衛陷

傳經大凡

陽旺傳府

陰盛傳藏

太陽經證

頭痛惡寒

血升鼻衄

水氣內停

煩躁發渴

陽明經證

嘔吐泄利

乾燥發渴

陽明府證

潮熱汗出譫語腹滿便秘

少陽經證

口苦咽乾目眩耳聾胸痛脇痞寒熱往來

嘔吐泄利

太陰經證

痛滿吐利

少陰經證

厥逆吐利

厥陰經證

厥逆發熱消渴吐泄 三陰治法

卷三

痘病解



痘病根原

痘病消長

熱吉寒凶

柳陰扶陽

太陽經證

頭痛腰痛發熱惡寒咳嗽嚏噴

陰陽盛衰

停水不消

煩躁發渴

血升鼻衄

陽明經證

嘔吐泄利

發熱出痘粒滿痂生
紅白消長

發紫變黑頂平根散

鬱重粒多蒙頭鎖項抱鼻環唇腫消眼閉

陽明府證

潮熱譫語腹痛便秘

少陽經證

驚悸吐泄寒戰發熱

太陰經證

腹滿心痞嘔吐泄利

少陰經證

咽痛吐利踈臥四逆發癢黑陷便血便膿潰爛無痂痘疔堅石

厥陰經證

氣衝心痛咽疼消渴嘔吐泄利便血便膿腹痛腰痛厥逆發熱痞瘡癰膿

三陰治法

庸工謬妄



卷四

疹病解

疹病根原

疹病隱顯

太陽經證

發熱頭痛

脉緊無汗

煩熱燥渴

寒熱勝負

陽明經證

鼻乾口燥嘔吐瀉利

經熱傳府

陽明府證

潮熱譫語腹痛便秘

攻下緩急

少陽經證

目眩耳聾口苦咽乾胸痛脇痞嘔吐泄利

三陽傳胃

太陰經證

腹滿噎乾

少陰經證

口燥舌乾

厥陰經證

煩滿發斑

紅白續發

紫黑遲見

出沒隱見

水停腹脹

嘔吐蚘蟲

疹後昏憤

疹後泄利

疹後膿血

疹後目疾

六經治法

經府殊方

汗下宜忌

卷五

伊公問

伊公問旨

問溫五條

問疫五條

問痘七條

問疹四條



昌邑黃元御坤載著

時分冬夏病殊寒溫氣候不同感傷亦異傷寒著於仲景溫病闡於岐伯各有妙義水火判然自叔和混熱病於傷寒傷寒之理既永晦於千古溫病之義亦長訛於百代後世庸工紛起殺運宏開當發秦燭之際何須覆鼎值焦頭爛額之秋那堪入甕橫覽天枉愴恨實多作溫病解

溫病解第一

溫病名義

秋冬感冒名曰傷寒春夏感冒名曰溫病病於春者謂之溫病於夏者謂之熱溫熱同病因時異名素問熱論先夏至日者爲病溫後夏至日者爲病暑是也四時之候秋涼冬寒春溫夏熱約而言之不過陰陽陰陽之氣寒盛於冬熱盛於夏秋之涼者將寒而未寒也春之溫者將熱而未熱也感於冬者謂之傷寒感於夏者謂之病熱感秋之涼輕於傷寒而實傷寒之屬也感春之溫輕於病熱而實病熱之屬也故秋冬之感證統曰傷寒春夏之感證統曰熱病仲景之言傷寒兼秋月之傷涼也素問之言熱病兼春月之病溫也

附

岐伯溫義

素問熱論黃帝問曰今夫熱病者皆傷寒之類也或愈或死其死皆以六七日之間其愈皆以十日以上者何也

熱病者傷寒之類非傷寒也

岐伯對曰人之傷於寒也則爲病熱熱雖甚不死其兩感於寒而病者必不死於死

外感之病統曰傷寒而其中實有風寒之分春溫夏熱皆感風邪而曰傷寒者感病之總名也上文曰

熱病者傷寒之類則溫熱非由傷寒甚明人之春夏感傷風泄其衛衛閉而遏營血則爲病熱熱雖至甚而經盡陰復不至於死其陽亢陰枯外被邪客而表裏雙傳一日兩經是謂兩感精液消亡必不免於死也

帝曰願聞其狀岐伯曰傷寒一日巨陽受之巨陽者諸陽之屬也故爲諸陽主氣也其脉連於風府故頭項

痛腰脊強二日陽明受之陽明主肉其脉挾鼻絡於目故身熱目痛而鼻乾不得臥也三日少陽受之少陽

主膽其脉循脇絡於耳故胸脇痛而耳聾三陽經絡皆受其病而未入於藏者故可汗而已

足之三陽自頭走足傷寒一日太陽受之太陽者諸陽之所屬也故爲諸陽之主氣也太陽行身之後

其脉自頭下項挾脊抵腰連於督脉之風府邪自風府而入客於太陽之經故頭項痛腰脊強二日陽

明受之陽明行身之前其脉挾鼻絡目故目痛鼻乾三陽之氣皆隨陽明下行陽氣蟄藏則善寐陽明

上逆陽升而火泄故身熱而不臥三日少陽受之少陽行身之側其脉從耳下頸自胸貫膈而循脇裏

故胸脇痛而耳聾三陽經絡皆受其病而未入於三陰之藏者經鬱熱發汗之開其皮毛經熱外泄則

病愈矣

四日太陰受之太陰脉布胃中絡於噤故腹脹滿而噤乾五日少陰受之少陰脉貫腎絡於肺繫舌本故口

燥舌乾而渴六日厥陰受之厥陰脉循陰器而絡於肝故煩滿而囊縮

足之三陰自足走胸四日太陰受之太陰行身之前其脉入腹絡胃上膈挾咽故腹滿而噤乾五日少

陰受之少陰行身之後其脉貫脊屬腎入肺而挾舌本故口燥舌乾而渴六日厥陰受之厥陰行身之

側其脉過陰器抵小腹挾胃屬肝絡膽故煩滿囊縮太陰曰脉布胃中少陰曰脉貫腎厥陰曰脉絡於

肝是三陰之病皆入於藏也

其不兩感於寒者七日巨陽病衰頭痛少愈八日陽明病衰身熱少愈九日少陽病衰耳聾微聞十日太陰病衰腹減如故則思飲食十一日少陰病衰渴止不滿舌乾已而噫十二日厥陰病衰囊縱少腹微下太氣皆去病日已矣

六日而六經俱盡六日而六經俱解所謂其愈皆以十日以上也

帝曰治之奈何岐伯曰治之各通其藏脉病日衰已矣其未滿三日者可汗而已三日者可泄而已

府亦稱藏素問十三藏相使論十二藏之相使貴賤是也五藏六府六府皆受病矣各通其藏脉是何藏府之病即針通其何藏府之脉也其未滿三日者所謂三陽經絡皆受其病而未入於藏故可汗而已其滿三日者已入於藏故可泄而已泄非攻下之泄詳見刺熱篇靈樞熱病三日而氣口靜人迎躁皆取之諸陽五十九刺以泄其熱而出其汗實其陰以補其不足泄之則熱去補之則汗出熱病陽有餘而陰不足故泄其陽以補其陰其在三陽而未入藏者熱邪尚淺補其經中之陰則汗自出其在三陰而已入藏者熱邪已深非泄其藏中之陽則熱不去溫熱之病所以不死者藏陰之未亡也已入藏而不汗者則藏陰亡矣故用泄法

帝曰其兩感於寒者其脉應與其病形何如岐伯曰兩感於寒者一日巨陽與少陰俱病則頭痛口乾而煩滿二日陽明與太陰俱病則腹滿身熱不欲食譫語三日少陽與厥陰俱病則耳聾囊縮而厥水漿不入不知人六日死三陰三陽五藏六府皆受病營衛不行五藏不通則死矣帝曰五藏已傷六府不通營衛不行如是之後六日乃死何也岐伯曰陽明者十二經脉之長也其血氣盛不知人三日其氣乃盡故死

兩感者陽強不密陰氣衰絕其太陽之寒隨少陰而化熱太陰之濕隨陽明而化燥厥陰之風隨少陽而化火故一日之內兩經俱病以其表裏同氣故感應神速三日六經俱病再三日而陽明之氣血全

消是以死矣

附 仲景溫義

仲景傷寒太陽病發熱而渴不惡寒者爲溫病若發汗已身灼熱者名曰風溫風溫爲病脉陰陽俱浮自汗出身重多眠睡鼻息必鼾語言難出若被下者小便不利直視失溲若被火者微發黃色劇則如驚癰脹痲癢若火熏之一逆尙引日再逆促命期

傷寒陽乘陰位衛氣內鬱則發熱熱傳陽明

胃

金土枯燥則作渴陰乘陽位榮氣外閉則惡寒故太陽傷

寒未傳陽明則有寒熱而無渴證若病在太陽發熱作渴而不惡寒此非傷寒是謂溫病溫病之家陽

盛陰虛津血枯燥最忌汗下火攻若發汗亡陰身熱若灼火烈風生名曰風溫風溫爲病陽亢陰絕其

脉尺寸俱浮毛蒸裏泄常自汗出清氣消亡身體重濁膽熱傳胃土困則多眠睡鼻息粗重必作鼾聲

機關燥澇語言難出是皆誤汗之證也若被下者亡其腎陰小便不利血枯筋燥直視不轉風木疏泄

洩溺遺失是皆誤下之證也若被火者病微則肌肉熏蒸而發黃色病劇則水枯木燥肝膽失榮魂氣

震盪形如驚癰筋脉伸縮時作癱瘓肌膚焦黑色若煙熏是皆誤火之證也凡若汗若下若火皆爲逆

治一逆尙延引其時日再逆則催促其命期矣

溫病根原

素問陰陽應象論冬傷於寒春必病溫生氣通天論陰陽之要陽密乃固陽強不能密陰氣乃絕陰平陽秘精神乃治陰陽離決精氣乃絕因於露風乃生寒熱是以冬傷於寒春必病溫四時之氣春生夏長秋收冬藏木火旺於春夏而司生長金水旺於秋冬而司收藏而金水之所以收藏者則精魄之所能也精以至陰而主藏魄者精之始基但能收而未能藏是以蟄藏之職獨歸於精藏氣得令相火蟄封腎精溫煖是謂陽

密少陰癸水與太陽壬水兩相表裏皆主蟄藏癸水之藏以其溫也壬水之藏以其寒也五行之氣熱則發
宣寒則凝閉癸水之溫而善藏者壬水之寒而善閉也人於冬時宜順寒水之令以藏陽氣陰精失藏相火
泄露陽根不密是謂冬傷於寒冬傷於寒者傷其寒水蟄藏之令氣也相火升炎久而彌盛春氣一交陽根
盡泄癸水爲火化溫成熱是以春月而行夏令也夫天時之寒暄莫定人竅之啓閉無常一遭風露侵凌溫
病作矣春時不病至夏而感是謂熱病冬時不病者寒水司氣雖蟄藏失政而經絡藏府之熱究未如春夏
之盛也

病原同異

溫病之原起於冬不藏精傷其寒水之令故春夏病感必是內熱但冬傷於寒春夏必病溫熱而春夏之溫
熱不必皆冬傷於寒其冬傷於寒而病溫熱者自是內熱其不冬傷於寒而病溫熱者未可定謂之內熱也
病與溫疫相同而法亦無殊其榮衛鬱發而又病於春夏之間固無入藏生寒用四逆眞武之證然燥渴飲
冷積水不消者亦未嘗少此皆不可用涼泄之法也

風寒異邪

四時感傷之因有風有寒寒者天地之陰氣風者天地之陽氣陽主開陰主闔傷於寒者皮毛閉而寒束之
故竅閉而無汗中於風者皮毛閉而風泄之故竅開而有汗氣統於肺金性清涼而降斂血司於肝木性溫
煖而升發肺氣清降則竅闔肝血溫升則竅開人之汗孔秋冬則闔者氣清而斂之也春夏則開者血溫而
發之也秋冬竅闔有時偶開而寒氣傷之則爲傷寒春夏竅開有時偶閉而風氣中之則爲中風此四時之
邪感傷之因也

榮衛殊傷

肺藏衛氣肝藏榮血寒傷榮者以衛氣肅靜孔竅闔而寒莫由入是以不傷惟血溫而竅開乃傷於寒風傷衛者以榮血蒸動孔竅開而風隨汗解是以不傷惟氣涼而竅闔乃傷於風然寒傷榮血而病則在衛以榮性升發一被寒邪閉其皮毛則榮愈欲發外乘陽位而束衛氣故衛閉而惡寒風傷衛氣而病則在榮以衛性降斂一被風邪開其汗孔則衛愈欲斂內乘陰位而逼榮血故榮鬱而爲熱胃爲戊土乃衛氣變化之原傷寒之病戊土與金水受之金水司氣隨戊土而下降以陽體而胎陰魄故氣常清降而外斂傷寒而氣反內鬱是以病在氣分脾爲己土乃榮血滋生之本中風之病己土與木火受之木火主血隨己土而上升以陰體而抱陽魂故血常溫升而內發中風而血不外達是以病在血分氣清而孕水故氣病則寒盛而爲傷寒血溫而孕火故血病即熱盛而爲溫病秋冬之感皆是傷寒其時非必無風中於風者便是秋冬之溫病春夏之感皆是中風其時非必無寒傷於寒者便是春夏之寒病究竟秋冬寒多而風少故往往病寒春夏寒少而風多故往往病溫時令不同也

傳經大凡

一日一經六日經盡凡諸感病之大凡也若傷寒中風溫病熱病瘟疫寒疫痘疹病無不皆然但溫熱必傳藏府餘則病由外感原無內熱不必定傳藏府耳程氏郊情謂溫病傳經傷寒中風不傳經其論全非惟兩感之家一日兩經則溫熱之所獨有而諸感之所絕無也

頭痛熱渴

太陽以寒水主令手太陽以丙火而化氣於寒水陰盛則壬水司氣而化寒陽盛則丙火從令而化熱故太陽以寒水之經而易於病熱溫病之家冬不藏精相火升泄傷其寒水閉蟄之氣火旺水虧由來已久及其春夏病感衛陽閉密榮熱鬱隆寒水之氣愈虧故受病之一日即發熱作渴而不惡寒也太陽在六經爲統

領是以感則先病其經自頭下項行身之背故頭項痛而腰脊強肺主衛肝主榮而總統於太陽太陽之經在皮毛之部榮衛者皆皮毛之所統轄也溫病衛閉而榮鬱法當清榮熱而泄衛閉一日之初衛閉已見榮熱方生故一日太陽之治宜涼金補水而開皮毛不易之法也

元霜丹

治一日太陽溫病頭項痛腰脊強發熱作渴

浮萍 三錢 麥冬 三錢 甘草 二錢 元參 三錢 丹皮 三錢 芍藥 三錢 生薑 三錢 大棗 一枚

流水五杯煎大半杯熱服覆衣飲熱稀粥取少汗

陽明經證

目痛鼻乾

五苓散

五苓散

陽明以燥金主令足陽明以戊土而化氣於燥金太陰勝則陽明化氣而為濕陽明勝則太陰化氣而為燥故陽明之經易於病燥溫病冬水失藏相火升炎胃津既耗脾精亦亡太陰之濕久化陽明之燥春夏病感衛陽遏閉榮熱鬱發土焦金燔燥氣愈甚其經挾鼻絡目行身之前故目痛鼻乾而身熱不臥陽莫盛於陽明燥熱在經不得泄路遲則胃府積熱因表鬱而內應府熱一作藏陰漸枯便伏異日死機於其府熱未動之時涼泄經絡以清其熱則後患絕矣

素雪丹

治二日陽明溫病身熱目痛鼻乾不臥胸燥口渴者

浮萍 三錢 石膏 三錢 麥冬 三錢 元參 三錢 葛根 三錢 甘草 三錢 丹皮 三錢 芍藥 三錢 生薑 三錢

流水六杯煎大半杯去滓熱服覆衣飲熱稀粥取少汗嘔者加半夏三錢



北京中醫藥大學圖書館藏